



鐵子測語上

412
26
1



88

Handwritten text in vertical columns, likely bleed-through from the reverse side of the page. The characters are faint and difficult to decipher, but appear to be in a traditional Chinese script.

12  
26  
1

錢子測語序

文曩不習公良先生因與  
至季子懋毅游得率讀  
江蘇深有味乎元美之序  
如見其人也免而懋毅手  
一編曰泐語分彙析釋燦



錢子測語序

金一 漢言 序  
終成帙屬手校而序之曰  
此先君晚而慕此所以自  
娛歲月之爾余文而讀已  
矣是以其道測人兮首象  
元以世法測人則折溥風  
等款真而明強奪耳色溥

先人人無不型而範之也  
夫先生出而長去字識是  
化琅琅朔野召是及至居  
時猶兀坐一室然膏肓裂  
於書靡所不窺輒閱輒錄  
附以己意勒成此語所以

金一洞詩  
夜寫深陰畫界測陽盡夜  
之測或否或感先生至通  
於陰陽情否之道欵是經  
也 以視臨江集摩界老補  
夜即此衣色也 寔世世衆  
之詭云 靈洞之譚紫樵穀

吾如秘之帳中寫廣先生  
訓在懋穀也

芳曆乙未夏日句章山人  
沈明臣撰



錢子測語總目

卷上

象元 二十三條

繇庚 三十八條

淳風 四十條

治本 六十七條

卷下

欽精 三十二條

鑒遠 五十三條

規世 八十七條

導儒 五十六條

錢子測語總目 終

錢子測語卷上

海鹽錢 琦公長撰

四明沈明臣嘉則校



象元

太和太虛之運、太虛太和之本、太虛不可獨言、  
理、太和不可獨言、氣不能無而強名曰虛、無所  
有而強名曰和、  
虛生氣、氣生形、天地無心而成、化寂生感、感生  
應、聖人有心而無為、

昔人言、天地之雷電草木人不能爲、人之陶冶舟車、天地亦不能爲、人事之功用、補化工之不及、余以何物非天地、何物非化工、人之能爲、卽天地之能爲、何論能與不能、

聖人鑿天地之竅、而天地弗讐爲其維天地也、塞其竅、返其樸然乎、然而將以盜天地、故弗與也、是故有周孔無期羨、

伏羲之畫八卦、豈爲卜筮而設、後聖見理之與數合、因借卜筮以發之、蓋卽卜筮以明理、非舉

理而歸之卜筮也、

石虎夜射可以穿羽、寒津衆渡可以聯冰、大將拜而智井揚波、孝子傷而凍林、迸蘂甘露降、文貞之木、白兔擾法禮之廬、故人心之誠、有能貫金石、感天地、回日月、變四時、

十二野所以分天之綱、其要在明乎躔度、九州所以分地之紀、其要在明乎疆界、

日月無不照也、不啓其戶牖焉能取照、雨露無不潤也、不治其畝畝焉能受潤、故曰、宇宙未嘗



限隔人人自限隔宇宙

董仲舒云、雨垂空而墜、風多則合速、故雨大而踈、風少則合遲、故雨細而密、太平之世、風不鳴條、雨不破塊、雷不驚人、電不眩目、雪不封條、智可謀人、不可謀天、人惟道是謀、而道外一聽於天、若計較利達、日夕思慮、徒自勞擾、不若順天之逸、

甘氏星經曰、五星近太陽而輒見者、如君臣齊明、下侵上之道也、若伏而不見、卽臣讓明於君、此百千載未有也、

景星者天精也、狀如半月、生於晦朔、助月爲明、王者不私人則現、

甘露降者老得敬則松栢受之、尊賢容衆則竹葦受之、

四方常有六雲、五色具而不雨、下有賢人隱、勝國之敗材、乃興邦之隆幹、熙朝之佚事、卽衰世之危端、此雖人力自是天地間陰陽剝復之妙、

蜀臨邛縣有火井、漢室之盛則赫熾、桓靈之際火勢漸微、孔明一窺而更盛、至景曜元年人以燭投而滅、其年併於魏、此一徵也。

王右軍云、石脾入水卽乾、出水便濕、獨活有風不動、無風獨搖、天下物理豈可以意求哉、

朱晦庵云、天將降亂必生弭亂之人、以擬其後、以此觀之、世固無無用之人、人固無不可處之世也。

吳康齋云、湛然虛明、平旦之氣、畧無所撓、綠陰

清晝薰風徐來、山林闐寂、天地自濶、日月自長、邵子所謂心靜方能知白日、眼明始會識青天、於斯可驗、

人至於歿而萬用盡矣、聖人以之昭節、揭軌垂萬世焉、夫婦之間一情欲感耳、聖人以之立綱、陳紀配天地焉、

水覆舟、航人不怨水、火焚廬、居人不怨火、食敗脾陰、人不怨食、色蠱元陽、人不怨色、至於悖取天殃、過招人咎而怨天尤人、亦何昧也、

一人之心即天地之心一物之理即萬物之理  
一日之運即一歲之運故曰不出戶而知天下  
不窺牖而見天道

士君子盡心利濟使海內人少他不得則天亦  
自然少他不得即此便是立命

錄庚

人心能靜雖萬變紛紜亦澄然無事不靜則燕  
居閒暇亦憧憧靡寧靜在心不在境

易之蹇曰山上有水蹇君子以反身脩德蓋寂  
寥枯淡中所助於道心者為多不然君子身何  
待蹇而後反德何待蹇而後脩哉

聖人之言遠如天愚以為近於地也賢人之言  
近如地乃時時遠於天凡聖人之言未有不可  
踐者也

意不定也  
往來不  
行不絕也

明天地之性者不可惑以神恠知萬物之情者不可罔以非類此君子貴窮理

易以知險簡以知阻易簡由入道而得此心平坦既不累於險阻則險阻自知此聖人知天之學

頤卦慎言語節飲食口之所入者其禍小口之所出者其罪多故鬼谷子云口可以飲不可以言

孝弟之人其詞也溫剛毅之人其詞也雄直亮

之人其詞也切通敏之人其詞也辯廉介之人其詞也潔故曰言者心之聲

夜坐靜思日間儘有不必言者亦有不能言者然後知語默中節爲難

人情易發而難制者惟怒爲甚第能於怒時不遽發而徐觀理之是非則怒可忘矣

大怒不怒大喜不喜可以養心靡俗不交惡黨不入可以立身小利不爭小忿不發可以和衆見善必行聞過必改可以畜德

周公不以夜行而慙影、顏回不以夜浴而改容、故曰、不以昭昭申節、不以冥冥隳行、

天理凡人之所生、機械凡人之所熟、彼以熟而我以生、便是立乎不測、

楊子泣路以其可南可北、墨子悲絲以其可青可赤、聖人正蒙以其可聖可狂、

夫人有志功業者、有志山林者、巢許不能爲管、晏管晏不能爲巢許、性也、故曰、鳧脛續之則悲、鶴脛斷之則憂、

顏子犯而不校、若反己有分毫愆戾、亦已有以致之、不謂之犯不校、只是不動氣、事到該敵處、直須看道理爲之、亦是不校、若外雖不校、而其心介然、未嘗忘、是不免於校也、

天有春夏秋冬、而溫涼寒燠、猶可測也、人有喜怒愛憎、而厚貌深情、不可測也、故曰、知人難於知天、

人有過、喜談之、存一恕心者少、已有過、惡聞之、漫無悔心者多、若以恕己之心、恕人是謂大公、

以責人之心責己是謂大勇

心未接物時不可使昏既接物時不可使亂亂生於昏故子思只重未發之中

從外以擴內為學從內以照外為識合內外而受之為量故學進則識進識進則量進

孟子謂禍福無不自已求之者後世星數之說行而求諸天堪輿之說行而求諸地於人事獨委焉不亦惑哉

聰明睿智守之以愚功被天下守之以讓勇力

振世守之以怯富有四海守之以謙

大丈夫於天下無一事非其所當為况一家父母宗族妻子等事可不為一料理

孟子言易子而教可以示父不可以語子視君如寇讐可以警君不可以誨臣

蘇洵曰龍逢比干不得為良臣無蘇秦張儀之術蘇秦張儀不免為游說無龍逢比干之心不知邪正不兩立有龍逢比干之心者決無蘇秦張儀之術有蘇秦張儀之術者決無龍逢比干

之心

韓魏公曰、內剛不可屈而外處之以和則事無不濟、故知處事着力全不在皮面上、

餘梁肉者難與之謀、藿食被綺羅者難與之言、布素嗜財利者難與之謀、道德處逸樂者難與之言、勤苦、

范蜀公云、麴蘖有毒、平地生出、醉鄉土偶作祟、眼前妄見佛國、

佛氏有云、不昧因果易、不墮因果難、今人皆願

生極樂世界、不知果能心境圓明、澹然無欲、便是出火宅入清涼界耳、

晦翁云、天地一無所爲、只以生萬物爲事、人能念念在利濟、便是能體天地之心、故曰、宰相日日有可行的善事、乞丐亦日日有可行的善事、只是當面蹉過耳、

吾不知所謂善、但使人感者、卽謂善、吾不知所謂惡、但使人恨者、卽謂惡、

甌甌子每教人養喜神、止庵子每教人去殺機、

是二言吾之師也

塞翁失馬古人未必有是事疑設此以垂世誠然亦安知非實事也夫禍福相爲倚伏天道也得而欣失而戚人情也此翁乃不欣戚於得失之間而卒能轉禍爲福其事近道合於聖賢義命之學

王輔嗣云神明茂故能體冲和以通無五情同故不能無哀樂以應物然則聖人之情應物而無累於物者也

薛文清曰不善之端豈待應物而後見如靜中一念之刻卽非仁一念之貪卽非義一念之慢卽非禮一念之詐卽非智君子所以慎獨我有不善人或告我我能速改則善歸於我且不負人若不能改則善歸於人兼復棄我矣故君子貴受言

陽明先生云孟子三自反後比妄人爲禽獸此處似尚欠細蓋橫逆之來自謗訕怒罵以至於不道之甚無非是我實用得力處初不見其可



憎所謂滿世界皆藥物也

慎言語固難節飲食亦不易余嘗飲食失節書戒爾食終是賊多食賊身之難爾忘乎哉置几上以自警

衣冠必整齊嚴肅則惰氣自銷夫嚴衣冠則有禮以閑其外銷惰氣則有禮以一其內此亦君子入敬之梯媒也

淳風

聖人未嘗不喜喜以物而不以已聖人未嘗不怒怒以物而不以已

身可以安不必皆廊廟食可以飫不必皆鼎鼐耳可以聽不必皆笙鏞目可以視不必皆靡曼是以蔬食陋巷孔顏不以爲憂菅床茅屋田生自以爲樂

箕子封朝鮮出語人曰事商雖惡吾猶囚也事周雖聖吾其夷矣能忘醜顏少師哉

霍子曰有司之校士也其薦揚也以國也吾何德焉噫公矣讀先王之郊祀社稷則懍然也造物者豈任德哉然而先王以教民厚也

樂廣云凡論人必先稱其所長則所短不言而自見矣人有過先盡弘恕然後善惡自張矣疾惡過嚴由立已於峻不能恕人爾若君子則哀矜之不暇何忍忿疾

李密奉使聘吳吳主與群臣論寧爲人弟密曰願爲人兄爲兄供養之日長

徐孺子矯矯特立薦辟皆不就及薦辟者歟灸雞漬酒千里赴弔於清高不混俗之中有忠厚不怠恩之意宜其爲東漢人物冠冕朱雲著節漢廷後不復仕常居鄠田時乘牛車游衍自適宰相欲延致東閣弗屑也今之仕者一旦去官卽愁沮喪志如魚失水喁喁然歎耳若雲者非旣貴可使復賤者耶

昔東方生有言築土爲室編蓬爲戶彈琴其中詠先王之遺風可以樂而忘歎旨哉斯言士安

往而不得貧賤哉

虞翻爲子求婦云、天之福人不在貴族、芝草無根、醴泉無源、

趙至年十二、就師誦書、蚤聞父畊叱牛聲、釋書而泣、師問之、答曰、自傷不能致榮華、而使父老不免勤苦、

昔吳隱之、刺廣州、過貪泉而飲之、賦詩云、試使夷齊飲、終當不易心、隱之卒、以廉吏名於世、而泉亦得雪其耻矣、

陶侃爲魚梁吏、以蚶鮓餉母、湛氏母責之曰、汝爲吏以官物見餉、非惟不能益吾、反以增吾憂也、

房彥謙謂子玄齡曰、人皆因祿富、我獨以官貧、所遺子孫在於清白耳、

余受學虛齋先生、嘗脫妻簪珥爲脩脯、先生曰、吾利此物、安望汝他日勵清操而成人美邪、峻却之、其視較銖兩於師第間者遠矣、

愬寬者止言在人一邊、不言自己一邊、所以聽

言者未可遽以爲喜怒

傅獻簡公云以帷箔之罪加於人最爲闇昧萬一非辜則令終身受其惡名至使君臣父子之間難施面目言之得無忍乎

近有題廬墓卷云應知表門事不是結廬心此真能說孝子者

和靖誦光明經可謂順親矣順親於道者孝之至也未易能也

論人物當論是非不當論成敗若以成敗論則

世之詭道成功者豈皆足稱者邪是則困辱終身不足耻非則功名振世不足多彼以成敗評豪傑者市兒之見也

稱人之善或過其實不失爲君子揚人之惡或損其真寧免爲小人

劉元城曰吾友後來未可遽立議論以褒貶古今蓋見聞未廣而涉世淺也故古人著書多在暮年

財以不蓄爲富官以不顯爲貴名以不彰爲譽

施以不報爲惠

伍胥奔吳而漁父辭劍、文天祥趨儀真而舟子辭金、必皆賢而隱者、重義輕利、異世同符、惜當時不著其名而史不之載、

安貧儉用不免干人多事、求羸祇以自苦、豐約窮通命中素定、故曰知足不辱、知止不殆、

東坡自元符三年已往、不過一爵一肉、有尊客盛饌、則三之、可損不可增、有召已者、預以此告之、一曰安分以養福、二曰寬胃以養氣、三曰省

費以養財、

有賓主之敬、雞黍可以爲大享、豈在簫韶、有淑柔之德、荆苧可以行婦道、豈在組繡、

蘇掖嘗置別墅、與售者瑣瑣爭直、其子在傍曰、大人可增少金、吾輩他日賣之、亦得善價也、父愕然少悟、世人知此、可免營造矣、

劉原武拾遺金、還失者、後父子皆登第、還金本出無心、福善自有隱報、觀此不但可以勵人、亦可以談天、

祝虛齋先生之鄰莫氏嘗以屋售先生固止之且周其乏常云我能顧卹鄰人卽我之家人也何必取其地然後爲我有今之處鄰者必欲吞噬以爲已有其心之廣狹何如

陸務觀云爲善自是士人常事今乃邀身後福報若市道吾實耻之

元伯顏南征還詩云擔頭不帶江南物只插梅花一兩枝其潔操何愧曹武惠行李蕭然也但惜江南梅花携之塞北耳使江南將相有伯顏

者此梅花或可留得

劉南坦家貧不能結樓文徵仲爲作神樓圖楊升庵繫之以曲此畫與曲至今爲人寶玩足垂不朽文徵仲嘗戲語人曰吾女不能躬齋館皆於印上起造亦此意也

祝虛齋先生私居未嘗服紈綺惟麤布舊服每飯必以精者奉親而已與子食麤糲謂教兒輩不宜習肥甘也

古之有言責者計萬世是非不計一時榮辱論

天下利害不謀一身利害非不知言之害不言之利然而必言之者以天下從義不以天下從我也

徐子權峽江人洪武十八年進士官比部郎靖難師起聞練子寧歿從容賦詩曰翹首謝京國飛魂歸故鄉遂自縊可謂從容就義者矣

祝虛齋先生平居有皆師錄善者書名不善者惟舉事以示戒一日計偕北上有同行病胡臭者眾皆憊憎先生獨與之同臥起其心與度可

量哉

凡奴僕得罪於人者不可恕也得罪於己者可恕也

胡端敏云瞞入之事弗為害入之心弗存若世人皆然可追直道還古風

滿音滿

月不明也

治本

方遜志云貧國有四而荒凶不與焉聚斂之臣  
貴則國貧勲戚任事則國貧上好征伐則國貧  
賄賂行於下則國貧富國有四而理財不與焉  
政平刑簡民樂地闢上下相親昭儉尚德此富  
國之本

民者邦之本財者民之命傷其財則傷其命傷  
其命則傷其本

凶年則人君減膳白虎通曰一穀不升徹鶉鷄



二穀不升徹鳧鴈三穀不升徹雉兔  
漆器非延叛之物桀用之而叛玉杯豈招亾之  
具紂用之而亾侈麗之源不可不遏作法於儉  
猶恐其奢作法於奢何以制後君國尚然况黎  
庶乎

尹文云人君之事無爲而能容下夫事寡易從  
法省易因故民不以政獲罪也大道容衆大德  
容下聖人寡爲而天下理  
輦轂之下先彈壓郡縣之治本惠養

天下事可行於古可行於今如夏時周冕之類  
可行於古難行於今如井田封建之類可行者  
行之則民樂其利難行者行之則民受其患君  
子貴酌時措之宜  
國之將興也百官有司貌若違異而心則同於  
盡職國之將亾也百官有司貌若諧和而心則  
各爲競進

周公旦曰吾不如者吾不與處累我者也與我  
齊者吾不與處無益我者也惟賢者必與賢於

已者處賢者之可得與處也禮之也主賢世治則賢者在上主不肖世亂則賢者在下

朝廷以科目取士使君子不得不為小人若以德行取士使小人不得不為君子

因喜用賞賞不必當因怒用罰罰不必當故王者無私喜無私怒然後賞罰當而天下平

取民近貪刑民近殘行師近亂獨尊近亢厚族近私然而天下不為厲者知其不得已也君人者懷焉而以不得已之心行之善矣

天下無不可變之俗無不可與為善之民易刀劍而牛犢易淫污而識父子夫婦之道亦存乎人耳故曰無迎而拒民莫不與無望而畏民則無懟

凡興廢補敝鎮躁舉劇安常習怠者不能為瞻前顧後者不敢為惟性定之人知有國而不知有家知有君而不知有身則天下無不可為之事

任事者當置身利害之外建言者當設身利害

之中

魏文侯云、人始入官、如入晦室、久而愈明、明乃治、治乃行、

居官者、廉不言貧、勤不言勞、愛民不言惠、鋤強不言威、事上盡禮、不言屈已、欽賢下士、不言忘勢、庶乎官箴無忝、

張仲以孝友入佐天子、君陳以孝友出尹東都、大舜以孝友爲天子、孝友全而百行備矣、

荀卿之危態、臣也、甚於篡、孟獻子之罪聚、歛臣

也、甚於盜、噫、其真有所警夫、

居官者、心公則自廉、若居廉、品格亦自高、終不及公而自廉也、又有恃廉而傲、且刻者、則爲廉之累更多、

語云、至察無徒、平易近民、察非明也、故人受其病、平易則自能生明、故可得而近之、

大臣斥苞苴、則人服、無私而位望自重、避權勢、則人不歸恩、而怨讟亦輕、

范蜀公云、仕宦不可廣求人知、受恩多難立朝、

矣

朝廷設耳目之官或有觸犯必曲賜含容以養其剛直之氣然後遇事敢言若摧折過甚將使諫臣喪氣卒然遇大利害大奸惡皆將蔽而不聞矣

狂夫之言明主擇焉今則不然言者不狂聽者不明使夫不明擇於不狂是以萬聽而萬不當也

人主宮闈中事臣子不可過爲排擊故孔子不

止魯之女樂管仲不去齊桓之六嬖四姬古之賢聖皆有深見今之少年多喜排擊吾懼國本因而動搖也

韓億見諸路職司摅拾官吏小過輒不憚曰今天下太平主上之心雖蟲魚草木皆欲得所柰何錮人於聖世乎

羅豫章云朝廷大奸不可容朋友小過不可不容若容大奸必亂天下不容小過則無全人崔亮以資格用人使不得馳競爭先亦是良法

使後人不得不祖之若能先才望而後資格方有實用宋學士丁度對仁宗云承平無事則守資格緩急有大事大疑則先才能此可以救資格一定之弊

范文正公云人有才能而無過朝廷自應用之若其實有可用之才不幸陷於吏議不因事起之遂為廢人矣

擇士者如工師之擇木不先道義之賢而詞藻之工是取猶舍合抱而求拱把也

元凱良矣然無堯舜不舉伊周忠矣然無湯武不顯故曰賢人得君以有為

劉炫曰省官不如省事省事不如清心官事不省而望從容可得乎

民生之休戚繫守令民情之通塞繫臺諫欲守令盡職如古之獎廉吏欲臺諫盡言如古之賞諫官

君子任一郡縣之寄操御下之權非欲民畏也真使豈第之意默運於綱紀法度之間斯民陰

被其德耳故善爲政者不恃其有可畏之資而恃其有可愛之實

治民之道在禁游惰以一其志勸耕稼以敦其業游惰禁則土著固而避勞就逸者無所容耕稼勸則農業崇而棄本逐末者不得縱由是賦役可均國用可足

守令廉則心清而才自練達能則通變而事不留滯廉固尤要能亦不可少若廉而且能卽古之循吏何加

勸農固在經其時樂其事有一中丞治徐州百計勸農人莫肯應故農不必勸惟輕賦遏訟乃勸農之術

救荒不患人無奇策只患人無真心有真心卽有奇策

民有欲心見利則動聖人不能禁民無欲也故有禮以節之以刑威制萑符者是暫時作用以重農發廉耻者是弭盜本領

財者民之脂膏公家之賦稅有常數私門之苞

直無定額斯民竭地殫廬不足以滿其欲爲人上者柰何不惜

朱子曰凡民有患難勢可言於官則爲言之不可言則多方救護之今爲民父母行政視民疾苦畧不顧恤與古人之用心何天淵哉

孫廉云發奸摘伏惟勤而清清則憲綱自行勤則事無不理

禮之屬三千刑之屬三千出一禮入一刑間不容髮是懷刑莫若秉禮

薊州鐵冶皆鬼薪城旦耳顧十九斃命此必司法者委宛其間庶得議獄之意

凡天下事慮之貴詳行之貴力謀之貴衆斷之貴獨

居官受囑固爲非理然有意於却而倨傲狠戾是之謂激有意於受而不顧是非是之謂隨要在好察邇言因言揆理應之以無心可也

書曰罔違道以干百姓之譽罔拂百姓以從己之欲然三代而下惟恐不好名故後之仕宦若

咈人從欲人或非之違道干譽莫或非之今并干譽者亦寡哀哉

人有恒言有治人無治法治人能通其變治法惟守其常

今之仕者飾言詞習恭遜是以佞能專矯激立聲名是以詐能假親知胥黨援是以勢能私餽遺資請託是以貨能予皆弗能也

楊文襄公云爲政在省事不在多事在守法不在變法在安靜不在紛擾在寬簡不在煩苛

良醫治無病之病故人常得生也聖人治無患之患故天下常太平也

昔人有言聽言不可不廣廣則庶幾其無壅擇言不可不審審則庶幾其無誤

漢以經術求士士爲青紫而明經唐以辭藝取士士爲科目而業文今之人才卽古之人才所以勵其志趨使進於道德者其機則在上耳療病者貴治其原不在巫祝安民者貴防其蠹不在刑威



忍者衆妙之門、居官亦以忍爲貴、凡事之來且忍則或剛或柔、自有可處、若一時不能忍則無所處、故一切法無我皆得成於忍、

用法不可大寬、寬則人不知懼、施恩不可太過、過則人不知感、

相臣執政與國同休、任用匪人則憑藉寵靈、擅作威福、植黨罔上、懷奸誤國、君子必被其禍、生民必罹其毒、

大臣一言一動須合天下之公、不宜拂衆論、執

已見斯民受其利、國蒙其澤、

吳芾云、與其得罪於百姓、不如得罪於上官、李衡云、與其進而負於君、不若退而合於道、二言合之、可作出處銘、

視含哺鼓腹之民、若瘡痍之未瘳、視耕食鑿飲之民、若呻吟之未息、其於政也幾矣、

政以宜民俗、所未厭不必輒改、俗所未安不宜強行、

天以民立君、君以民建官、士以民行道、故有司

之務無一不爲民也、長民者獨簿書賦稅是急而虐用其民亦未之思耶

存一念愛民時便是愛己、有一步進德處勝於進官、

赤子不能言、毋能中其欲者得赤子之心也、民能有言、有司往往障拂其口、失民心矣、

人有言、亾國之臣不可以言智、敗軍之將不可以言勇、然百里奚去虞而虞亾、之秦而秦霸、韓信去楚而楚敗、之漢而漢興、此又不可以槩論

也、在用與不用之間、

吳武陵云、霆砰電射天怒也、不能終朝、聖人在上、安有畢世而怒人臣耶、

金二漢言

卷一

五

